

Protokolo de la 54a senatkunsido (la 48a post la oficialigo de AIS fare de la Konsilio de la XII, la 57a post la fakta eklaboro) okazinta dum la 16a Rumana Studadsesio en la Lucian-Bloga-Universitato Sibiu-Hermannstadt (RO) je merkredo, 2005-05-18, 11:20–14:00.

Ĉeestas la senatanoj Dr. habil. R. Fössmeier kaj H. Frank kaj vicsenatano Dr. habil. Eva Poláková. Kiel ne voĉdonrajta MdAIS partoprenas revizoro OProf. Dr. Lobin.

0. *Formalaĵoj.* Pro bontempa kunvoko de la prezidanto kaj unu plua senatano kaj pro anstataŭateco de unu plua senatano per vicsenatano la kunsido estas kvoruma kun 3 de maksimume 5 voĉoj

1. *Alvokoj.* La senato konstatas, ke ISKano Walter ZELAZNY prof. plenumas la kondiĉojn por iĝi Adoc kaj konsentas, ke li iĝu AProf tuj post plenumo de la koncernaj kondiĉoj.

2. *Procesoj.* Ĉar la kortumo ne povas atingi la eksan senatan sekretarion Mag. Joanna Lewoc kaj tial ne povas komenci proceson, la senato rajtigas la prezidanton, nuligi tiun proceson, se

– la iama protokol-ofico donas al AIS kompenson pri ne redonita ilaro

– la nuna direktoro de la scienc-ofico konfirmas, ke en lia ofico tiu ilaro estis uzata ankoraŭ dum 2004

– la aktoj kaj alia administra materialo, kiun la eksa senata sekretario havis kiel kunlaboranto de la ekzamen-ofico, estas transdonitaj al AIS kune kun deklaro, ke ili estis transdonitaj komplete.

Limdato por la plenumo de la kondiĉoj estas 2005-05-31.

3. *Kontrakto kun ULBS.* La senato aprobas plivastigon kaj aktualigon de la kontrakto de 1990-05-21 laŭ propono de la prezidanto kaj petas lin, intertrakti sur ĉi tiu bazo kun la rektorato de ULBS.

4. *SUSoj.* SUS 29 okazu 2006-08-27/09-03 en Komárno. En februaro 2006 okazu studadsesio en Sibiu, kiu estu magistriga, se estos bezono je magistrigaj ekzamenoj.

5. *AIS-IKU.* La senato rekomendas fari novan interkonsenton kun UEA kun la celo, ke okazigo de tri AIS-IKU-kursoj estu tehnikaj kaj finance ebla.

La senato konsideras, en la reformotan studad-regularon enmeti klaŭzon, laŭ kiu kurso povas ampleksi ajnan entjeran oblon de 0,5 studunuoj.

6. *LEUKAIS.* OProf. Poláková informas, ke la slovaka klerigministerio rifuzis al LEUKAIS instrupermeson pro manko de komputilaj laborlokoj por studentoj. La senato certigas, ke post dono de la permeso ĝi ebligas instaladon de laborejo kun almenaŭ ok komputiloj, kiuj estos disponeblaj plej malfrue kvar semajnojn antaŭ la studadkomenco.

7. *Konfirmo de interretaj decidoj.* La senato konfirmas la jam trovitan interkonsenton, sciigitan de la prezidanto 2005-02-14 al la senata buroo de ULBS, pri la konsisto de la organoj de DAI-ULBS dum la deĵorperiodo 2004 – 2007. Restos do prezidanto de DAI-ULBS OProf. Dr.habil. Helmar

Frank, anstataŭantoj la OProf. Carlo Minnaja dr., Dr. Günter Lobin kaj Fabrizio Pennacchietti dr, reprezentantoj de la arta, teknika kaj subtena sektoroj OProf. Kurt Alsleben, Prof.^T Gennadij Ŝilo resp. OProf. Bengt-Arne Wickström dr. Administra direktoro de DAI-ULBS restas ADoc. Mag. Sara Konnerth-Reisenauer, kiu ricevis pro tio de la senato la funkciotolon EProf. La prezidanto de la akademia eksterlandofico de ULBS, profesoro Gerhard Konnerth dr. estis petatata kaj akceptanta, ankaŭ por la deĵorperiodo 2004 – 2007 reprezenti la prezidanton de DAI-ULBS en la senato kaj vid-alvide de la aliaj institucioj de ULBS. Tial la menciitaj 9 sciencistoj konstituas por la deĵorperiodo 2004 – 2007 la prezidantan buroon de DAI-ULBS konforme al artikolo 2.6 de la departementa statuto publicita 2003 en la „Omaĝlibro“ (ISBN 973-86300-9-6). La plujaj membroj de la departementa konsilio laŭ art. 8.6 de la statuto restas ankaŭ por la deĵortempo 2004 – 2007 OProf. Dr. Angstl, PDoc. Dr.habil. Barandovská, AProf. Eichhorn, OProf. Dr. habil. Fössmeier, OProf. Dr.habil. Poláková, OProf. Quednau, AProf. Viereck, por KKC ASci. Dr. Mihaescu-Falobo kaj por la provizora departementa biblioteko ASci Mag. Erzse. Tio validu kaj por la departemento de la filologia fakultato kaj por la persone identa departemento de la fakultato pri nomotetaj sciencoj, kiu ekestis pro interkonsento kun AIS 2005-02-14.

Sibiu, 2005-05-18

H. G. Frank, prezidanto

R. Fössmeier, senata sekretario kaj protokolanto